

Purguntas ki ta fazedu di 1 pa 1 sobri Enfermajen Skolar y CSN otorizadu pa MH

1. Kumó ki N ta pode ten sirbisus di enfermajen pa un menbru di MassHealth inkuantu el sta na skóla?

Primeru pasu é fala ku skóla sobri pusibilidadi di ten sirbisu di enfermajen própi na skóla.

Dipartamentu di Ensinu Báziku y Sikundáriu (DESE) el k'é di kóna di enfermajen na skóla. Skólas di Distritus pode difini ses própi pulítika, desdi ki es sigi régra di status y di guvernu federal. Kes skóla di distritus ten ki oferece kada algen ki kualifikadu ku difisiénsa y ki sta déntu di ses jurisdisaũ “idukasãu públiku dretu y di grasa” (FAPE), indipendentimenti di naturéza o gravidadi di difisiénsa di kel algen. Kel li é un izijénsia di lei federal. Oférta di es sirbisu li, FAPE, pode inkluí sirbisu di enfermajen na skóla. Nhos spia kuzas ki DESE ta iziji pa nhos pode ten mas informasãu. Si nhos ten algun dúvida sobri nhos direitu y regalia di akordu ku lei federal di idukasãu, nhos djobe na <https://www.doe.mass.edu/sped/parents.html>.

Un menbru pode ka kualifika pa ten sirbisus di enfermajen inkuantu el sta na skóla pa siginti mutivu:

- (1) prugrama di Idukasãu Individualizadu (IEP) ka ta finansia sirbisu di enfermajen; o
- (2) kel IEP ta finansia enfermajen, má kel skóla ka ten pesoal kualifikadu.

Na kalker un di kes kazu, família pode uza kes óra otorizadu di enfermajen kualifikadu kontínu (CSN) pa traze un enfermeru pa skóla. Má distritu skolar ten ki konkorda pa kel enfermeru di CSN presta sirbisu di enfermajen na skóla. Kes óra disponível di CSN pa un família traze un enfermeru pa skóla é determinadu pa avaliasãu anual di LTSS y nãu pa IEP di un menbru. Família pode skodje kantu óra di apoiu di enfermajen ki pode uzadu na skóla. Si un menbru uza mas óra na skóla ki avaliadu pa CCM pa un dia di skóla, óras disponível fóra di skóla ta diminuí.

2. Kuzé ki N deve faze si skóla di nha fidju ka ta pode oferece sirbisu di enfermajen di 1 pa 1 indikadu na IEP di nha fidju?

MassHealth y CCM ka é di kóna di sirbisus di enfermajen prestadu pa sistéma skolar y ki ta sta inkluídu na un IEP.

Si nhos ten algun priukupasãu relasionadu ku sirbisu di enfermajen ki sistéma skolar ta presta na un IEP, nhos deve papia ku skóla/distritu skolar. Si nhos ka konsigi razolve problémas ku skóla/distritu, nhos pode kontakta *Skritóriu di Sistéma di Rizulusãu di Prublémas (PRS)* di DESE.

Kes Especialista di Skritóriu di PRS ta konxe dretu kes régra y regulamentu di tudu sistéma skolar na Massachusetts. Un Especialista di PRS ta trabadja ku nhos y ku skóla/distritu pa rezolve kalker probléma relasionadu ku un IEP. Es pode tanbe djuda responde kalker purgunta ki nhos ten sobri responsabilidadi ki skóla/distritu ten ku asésu na idukasãu di menbrus di nhos família.

Especialistas di PRS: (Atensãu: Kes Especialista di PRS é skluzivu pa kada skóla/distritu.)

<https://www.doe.mass.edu/prs/specialist.html>

Gia di Informasãu pa Reklamasãu:

<https://www.doe.mass.edu/prs/guide/>

3. Kes Menbru/Família di CCM pode skodje uza ses óra di CSN otorizadu pa MassHealth inkuantu kel menbru ta frekuenta skóla?

Famílias pode skodje kuandu y undi es ta uza ses óra di CSN inkluíndu na skóla. É bon ki família diskuti kel skolia li ku enfermeru di CCM ki ta jiri ses kazu. MassHealth ta rekonhese ki uzu di óra di CSN na skóla ta afeta nunbru di óra di CSN dispunível pa menbru fóra di skóla. Família pode ka prifiri es manera li. MassHealth ta enkoraja famílias diskuti kel skolia li ku ses jestor klíniku di CCM.

Koperasão ku distritu skolar ta izijidu si família kre uza kes óra di CSN na skóla. Si distritu skolar konkorda na dexta uza sirbisu CSN na skóla, kes óra di CSN pode inkorporadu na IEP di menbru. Asin, skóla ta kunpri ku se responsabilidadi di oferece sirbisu di enfermaje. Si nhos uza kes óra di CSN na skóla, nhos pode pidi distritu skolar pa kontinua ta prokura un enfermeru pa nhos, asin kes óra di CSN ta ser uzadu só fóra di skóla.

4. Si skóla ta presta sirbisu di enfermaje, el ta afeta nhas óra di MassHealth-CSN ki dja sta aprovalu?

Menbrus di CCM ta ten aprovasão di óras di enfermaje ki é nesessáriu kuandu ka ten ninhun otu sirbisu di enfermaje dispunível. Pa konprende kuandu é ki sirbisus di enfermaje sta dispunível pa menbrus, CCM ta analiza tudu lugar undi ta prestadu kuidadu di saúde, inkluíndu sirbisus ki ta dadu pa Programa di Idukasão Individualizadu (IEP) óra ki kel menbru ta frekuenta skóla. CCM ta determina si ten kalker duplikasão entri lugares ki ta presta sirbisu di CSN ki MassHealth ta otoriza.

Izénplu:

Un menbru ta bai skóla sinku dia pa semana. Skóla ta da un enfermeru pa 1.5 óra pur dia pa intervensão Gastru-Intestinal (GI) ki kontise inkuantu el sta na skóla, inkluíndu alimentasão pa tubu. Jerenti di CCM ka ta otoriza óras di CSN pa kel tipu di trabadju duranti priudu di skóla/dias. Diministrador di Klínika di CCM ta ben otoriza óras di CSN pa kel tipu di trabadju si el kontise antis di aula o dipos.

Kel otorizasão ta indika nunbru total di óras ki CSN otoriza pa semana duranti kes semana ki menbru sta na skóla (ta subtraído kes intervensão duplikadu ki dja diskrebedu antis) y indika nunbru total di óra otorizadu pa CSN pur semana duranti kes semana ki menbru ka sta na skóla (izénplu di feriadus, férias di skóla, duranti férias grandi). Es ta txumadu “óras déntu skóla” y “óras fóra skóla.” Nhos ten ki kontakta CCM si ten algun mudansa na óras déntu skóla y óras fóra skóla. Es pode meste faze algun ajustamentu.

5. Si N uza nhas óra di CSN na skóla ki MassHealth aprova el ta ten inpaktu na nunbru di óras otorizadu di CSN?

Si nhos uza óras di CSN na skóla ki MassHealth aprova y ki distritu skolar konkorda, sirbisu di rijistu di CSN ka ta faze mas diferença entri ‘óras déntu skóla’ y ‘fóra skóla.’ Nhos ten ki trabadja ku CCM pa ten sirbisu di arkivu di CSN atualizadu senpri ki mestedu inklui un nunbru di óras pur semana.

6. Kuzé ki N ta meste faze si dja N uza óras di CSN aprovalu pa MassHealth duranti es anu skolar, má N kre pa skóla da sirbisu di enfermaje pa menbru pa anu ki ta ben?

Famílias pode labanta es probléma duranti ses runião anual di IEP ku skóla. Skóla meste atualiza IEP anualmenti. Es ta faze reavaliasão di nisisidadi médiku di menbru di sirbisu di enfermaje na skóla.